


KYRKJEKONTAKTEN

NR.3 — 2024 · 50. ÅRGANG · KYRKJELYDSBLAD FOR ALVERSUND / KNARVIK / LYGRA / SEIM

Side 2-4:
Knarvik kyrkje 10 år





DRAUMEKYRKJA: Ein skuleklasse frå Knarvik barneskule har vore på bursdagsbesøk og kvar elev teikna si draumekyrkje. Kyrkja på teikninga kunne flyga frå stad til stad, og kosta difor astronomiske summer.

Feirar jubileumskyrkja heilt til jul

Tekst og foto: Arthur Kleiveland

Knarvik-elevar har teikna sine draumekyrkjer under bursdagsfeiringa for Knarvik kyrkje. Kreativt og flott. Mykje spennande står på programmet også i resten av jubileumsåret.

Det seiest med rette at kyrkjeprosjektet i Knarvik var ute på ei 40 års ørkenvandring før grunnsteinen for nyekyrkja endeleg vart lagt. No er det ti år sidan kyrkja vart vigsla og teken i bruk, og det vert markert gjennom heile året.

Det vart i planlegginga lagt stor vekt på at Knarvik-kyrkja skulle vera ei «sjudagars-kyrkje». Og slik har det blitt, med aktivitetar omtrent kvar einaste dag. Alt som skjer i kyrkja til dagleg er ein del av jubileumsåret, pluss eigne jubileumsarrangement. Den store jubileumsfeiringa skjer helga i månadsskiftet november-desember.

Markus, gospel og salmesong

Tysdag 24. september inviterer jubilanten til salmekveld med Alversund kammerkor. Og heilt i slutten på månaden går teppet opp for «Markus-evangeliet minutt for minutt», der mange både i og utanfor kyrkjelyden skal lesa samanhengande.

Knarvik Gospel, som også har sin base i Knarvik kyrkje,

har jubileumskonsert 20. oktober, der også tidlegare medlemmar i gospelkoret er inviterte til å vera med.

«Aldri for mykje Jesus»

Det skal skje mykje i Knarvik-kyrkja laurdag 30. november, med familiedag, basar, barnekor og seminar. Denne dagen kjem kunsthistorikaren Gunnar Danbolt med eit føredrag der han er utfordra til å reflektera over altertavla i Knarvik kyrkje. Han var med i juryen som avgjorde «globusen» med to Jesus-figurar – ein trefigur i midten med Jesus på korset, og i mosaikken der Jesus viser fram sine naglemerka hender.

– Me hadde nokre rundar om val av altertavle. Men Danbolt slo fast at det «aldri kan bli nok Jesus», og dermed var den saka avgjort, fortel Åge Clausen, som den gongen var kyrkjeverje i kyrkjeleg fellelsråd.

Festgudsteneste og Juleoratoriet

Søndag 1. desember er det festgudsteneste med bursdagsbesøk og solid kyrkjekaffi. Og før jubileumsåret er omme kan folk gleda seg til å oppleva Juleoratoriet av Bach med Alversund kammerkor, orkester og solistar.

Kyrkja sitt 10-årsjubileum har vorte markert på ulike måtar også i første halvår. Mellom anna med «Jakob Sande-kveld»

og internasjonal fest med gode matopplevingar og festleg mannekeng-vandring på «catwalken» i kyrkja.

Teikna si draumekyrkje.

Då elevane frå Knarvik barneskule var på bursdagsbesøk fekk dei unge naboane høyra om Knarvik-kyrkja sin historie og dei fekk sjå arkitektane sine forslag. Deretter fekk elevane i oppdrag å teikna si draumekyrkje.

– Her kom det mange kreative teikningar. Skikkeleg stas, seier kateket Nina Jenny Monstad. Elevane sine kyrkjeteikningar vart hengt opp i kyrkjerommet og har vore utstilt i heile sommar. Enkelte meiner ei moderne arbeidskyrkje må ha plass til fotballbane og dataspelrom. Innimellom kunne elevane bretta og senda papirfly på Petersplassen (underetasjen). Dei fekk også prøva seg på sporløp inne i kyrkje, på jakt etter mellom anna grunnsteinen, orgel, lesepult og døypefont.

Og sjølvstakt var det tid til bursdagsfest med pølse i brød og saft, kake, og bursdagssong til kyrkja, med påfølgjande dryss av konfetti til glede og begeistring.



Britt og Åge Clausen på catwalken på internasjonal fest i juni.

Markusevangeliet minutt for minutt

Tekst: Håkon Glatved-Prahl

Foto: N. J. Monstad.

Snart kan du få oppleve heile Markusevangeliet opplest minutt for minutt i Knarvik kyrkje.

Det skjer måndag 30. september klokka 18.00. Hendinga er del av 10-årsjubileet for Knarvik kyrkje og er open for alle.

– Planen er at fleire personar går saman om å lese Markusevangeliet på omgang frå første til siste vers – med ein kaffepause i midten, seier seniorprest Magne Bjørndal, som saman med Cecilie Grøttveit og Torbjørn Sæle utgjer planleggingsgruppa for bibellesinga.

Tredje minutt for minutt

– Kor lang tid vil opplesninga ta?

– Vi ha sett av to og ein halv time inkludert ei innleiing og ein kaffepause midt i opplesinga, så dette blir ei passeleg lang oppleving. Vi har jo gode røynsler frå tidlegare, seier Bjørndal.

Og då tenkjer han på dei to andre opplesingane som er blitt gjennomførte i Knarvik kyrkje minutt for minutt, nemleg heile Bibelen og Det nye testamentet. Det tok så klart mykje lengre tid enn det Markusevangeliet vil ta.

For knappe 30 år sidan hadde skodespelar Svein Tindberg stor suksess med forteljarforestillinga om Markusevangeliet, ei forestilling som gjekk sin seiersgang fleire stader i Norge, også på Folketeateret i København. Han hadde totalt 220 framsyningar.



STÅR BAK: Torbjørn Sæle, Cecilie Grøttveit og Magne Bjørndal inviterer til Markusevangeliet minutt for minutt.

– Det er berre å gle seg til vår eiga framføring i Knarvik kyrkje. Vi vonar mange vil møta fram for å få med seg denne spesielle opplevinga, seier Bjørndal.

OM MARKUSEVANGELIET

- Er det andre evangeliet i Det nye testamentet og den eldste samanhengande historia om Jesu liv og død.
- Evangeliet blir innleia med å presentere døyparen Johannes som forkynte omvending og dåp for folk i Judea og Jerusalem.
- Er truleg skrivne like før eller etter år 70 e.Kr. då Jerusalem vart erobra og tempelet øydelagt av romarane.
- Er blitt brukt som kjelde for Matteusevangeliet og Lukasevangeliet, og er dermed det første eksempelet på den litterære sjangeren evangelium.
- Ordet evangelium kjem frå det greske ordet evangelion, som betyr «godt budskap».

Prosjektkor med Knarvik Gospel

Tekst: Ingrid Danielsen

Foto: S. Bjørndal.

Då det vart bestemt at Knarvik Kyrkje skulle byggast, var vi ein gjeng som tenkte at det hadde vore kjekt å etablere eit gospelkor til denne nye flotte kyrkja stod klar. Vi inviterte til eit lavterskel-kor der det skulle vere rom for mange. Koret starta opp hausten 2012. Dei første øvingane hadde vi i Knarvik Misjonshus, men etter at kyrkja var klar, har vi hatt øvingane i kyrkja.

Eli Eidsnes har vore dirigent helt sida oppstart. Vi har hatt gode musikalske krefter med; Ove Danielsen har deltatt som pianist og songar i fleire år, og dei siste åra har Roald Kleiveland vore pianist. Vi har hatt orkester med ved fleire framføringar og til tider også på øvingane.

Vi er ein songglad gjeng som har det kjekt i lag på øvingane som er annakvar torsdag frå 19-21. Vi legg vekt på det sosiale, og tek oss alltid tid til ein pause med litt kvelds. Opp gjennom åra har over 100 koristar vore innom i kortare eller lengre periodar. Vanlegvis er vi mellom 25-35 medlemmer på øvingane. Fleire har vore medlem heilt sidan oppstart, nye kjem stadig til, og nokre har slutta, enten fordi dei har flytta eller livet har blitt for travelt. Vi har deltatt på mange



Knarvik Gospel markerer kyrkja sitt 10-årsjubileum med konsert 20. oktober. Alle som har vore medlemmer opp gjennom åra er inviterte til å delta i prosjektkoret. Biletet er frå ein konsert i oktober 2023.

flotte arrangement opp gjennom åra, blant anna har vi hatt konsert med Angela Prim, Hanne Krogh, Maria Arredondo og Torstein Sødal og Solveig Leithaug. Vi har også fått delta på TV-gudsteneste, radiogudsteneste og hatt samarbeid med andre lokale kor.

I samband med kyrkja sitt 10-års jubileum har vi bestemt oss for å ha eit prosjektkor, der alle som har vore medlemmer opp gjennom åra har blitt spesielt inviterte til å delta. Vi tenker å blåse liv i fleire songar koret har hatt opp gjennom åra, og håper det kan freiste både tidlegare og nye medlemmer til å bli med. Prosjektkoret skal øve laurdag 21. september (kl. 10-16) og torsdagane 3. og 17. oktober. Vi skal avslutte med jubileumskonsert i Knarvik kyrkje søndag 20. oktober.

Seinare i haust skal vi øve til julekonsert som vi skal ha i Knarvik Kyrkje 6. desember saman med Maria Arredondo og Torstein Sødal. Det gler vi oss også stort til.

Dersom du har lyst å bli med som fast medlem i koret eller i Prosjektkoret er du hjarteleg velkommen. Send gjerne ein SMS til leiar i koret Ingrid Danielsen (94379229) om at du vil delta, så sikrar vi at vi har nok kvelds.

Jubileumsarrangement – Knarvik kyrkje 10 år

24. september kl. 19:30 Salmekveld med Alversund Kammerkor.

30. september kl. 18:00 Markusevangeliet minutt for minutt.

20. oktober kl. 18:00 Jubileumskonsert med Knarvik Gospel.

30. november kl. 12-15: Jubileumslaurdag med familiedag. Kl. 12-13: Seminar med kunsthistorikar Gunnar Danbolt: Altertavla i Knarvik kyrkje. Kl. 13-15: Basar, kafé, barnekor m.m.

1. desember kl. 11:00 Festgudsteneste med bursdagsbesøk og kyrkjekaffi.

15. desember Bachs Juleoratorium med Alversund kammerkor, solistar og orkester.



REMA 1000



OPTIKER I KNARVIK
-Bestill synsprøve nå!
RING 56 35 14 66

Frå kyrkjebenken

« Å bygge fellesskap på ein stille måte»

Foto. Turid S. Tvedt

– *Kor lenge har du vore aktiv i kyrkjelyden*

Eg er fødd og oppvaksen på Myking. Så i denne kyrkja er eg både døypt, konfirmert og vigd.

Eg begynte i Myking barnekor då eg gjekk i 4.klasse og var med til eg hadde gått eit halvt år på ungdomsskulen. Me flytta som familie tilbake til Myking i 1990. Då var det naturleg for oss å vera aktive i kyrkjelyden. For tida er eg med i Kyrkjelydsutvalet.

– *Kva set du mest pris på ved kyrkjelyden vår?*

Det er ikkje så stor forsamling, men veldig gode folk. Eg trur det er lurt å ikkje hengja seg opp i at ein er få, men kunna ha det godt saman. Kjenner på mykje omsorg frå folk, og det har blitt endå meir av det etter at fleire av oss møttest på Fellesskapskveld annankvar måndag i sakristiet.

Det er også fint at me har begynt å tenkja at me er eitt sokn og at det difor kjem folk frå Lindås og Hundvin på gudsteneste her. Så sjølv om det er sjeldan gudsteneste her på Myking, kan me gå i dei andre kyrkjene elles. Og så har me Ole Marton då. Han er ein inkluderande og fin prest som me er veldig glade i.

– *Korleis vil du skildra kyrkja?*

Før tenkte eg ofte at det var litt kjedeleg i kyrkja med så mykje liturgi. At det var for lite fritt og spontant. Med tida likar eg det betre og betre. I ei verd der alt er i endring er det godt at noko står fast til evig tid. Eg håpar og trur at det av den grunn også kan vera lettare for folk å stikka innom når ein veit kva som kjem. Og så likar eg godt å syngja i kyrkja vår som har så god akustikk. Herleg å ta litt i under salmesongen.

– *Kva salme syng du gjerne for tida?*

Eg veit ikkje kor mykje eg har sunge i det siste, men eg kjem stadig tilbake til «Blott en dag» Det å ta ein dag om gongen og at Gud er med oss alle dagar og alle slags dagar. Og som



Bustad: Namn: Anita Gjerde Økland

Alder: 58 år

Bustad: Myking

Yrke: Vernepleiar i Alver kommune

dagen er skal styrken vera. Dette er det godt å leva i.


– *Kva kjenneteiknar ein god kyrkjekaffi?*

God stemning, god mat og drikke(dette er me gode på på Myking) Og ikkje minst god prat, få helsa på nokon du ikkje kjenner eller ikkje har sett på lenge. Gje, og få gode klemmar.

Knarvik Blomsterstove 
Kvassnesvegen 11 – 5914 Isdalstø
Tlf: 56 35 62 20 – www.knarvikblomsterstove.no

 **NORDHORDLAND BEGRAVELSESBYRÅ** Ditt lokale gravferdsbyrå
ALLTID HER FOR **deg**
DU NÅR OSS PÅ TLF. 56 37 14 10 - 56 99 25 70
Kyrkjevegen 1 Alversund Havnevegen 31 Frekhaug Elvavegen 1 Dalekvam

VATNE 
begravelsesbyrå
Tlf: **56 35 09 10** (24t)
Kvassnesvegen 11, 5914 Isdalsbø
vatne-byra.no



Hurra for Kristenretten!

Tekst: Kjersti Toppe · Foto: Helge Nelson

Statsråd Kjersti Toppe frå Toppe i Åsane er regjeringa sin barne- og familieminister, men òg minister for tru og livssyn. Ved den store markeringa av Hamre som kyrkjestad gjennom 1000 år, deltok ho m.a. som tekstlesar i festgudstenesta i Hamre kyrkje.

Ho har også skrive desse personlege tankane rundt Kristenretten, eksklusivt for kyrkjeblada våre i Nordhordland.

Nyttårsaftan i fjor var vi på ei familiehytte i Stordalen. Då klokka hadde bikka midnatt, ønska eg alle godt nytt år. Så spurte eg ungdommane om dei visste kva som var det viktigaste i 2024. Nei, det visste dei ikkje. Då er det 1000 år sidan innføring av Kristenretten, svara eg med eit smil. Eg er absolutt ingen historikar. Men eg meiner at vi alle må kjenne til vår eiga historie, og spesielt det som skjedde på Moster i 1024.

Det som hende på Moster for 1000 år sidan har hatt stor verknad for Norge. Det har hatt stor verknad for nasjonsbygginga, for vår demokratiske utvikling og for utvikling av den norske kyrkja. Med innføring av kristenretten gjekk Noreg frå å vere eit maktsamfunn, til eit rettssamfunn. Viktige prinsipp blei innført om at noko faktisk er rett eller gale, uavhengig av maktposisjonen din i samfunnet. Alle menneske har like stor verdi. Kvinner og barn fekk betre rettar. Det vart slutt på ordninga med å bere ut vanskapte spedbarn i skogen for å la dei dø.

Kristenretten var ei radikal omvelting i 1024. Den blei også starten på ei storstilt kyrkjebygging over heile landet. Kyrkjene som blei bygd, skulle vere for alle. Ein starta også å gravlegge alle menneske side om side på kyrkjegarden. Tusen år etter – i 2024 – set Regjeringa i gang med eit nytt kyrkjebevaringsprogram. Det skjer etter delinga av Opplysningsvesenets fond, og etablering av eit eige kyrkjebevaringsfond. Staten planlegg å bruke om lag 10 mrd. kroner dei neste 20-30 åra til å hjelpe kommunane med å restaurere om lag 1000 kulturhistorisk verdifulle kyrkjebygg over heile landet. Det blir bra!

Hendinga på Moster i 1024 var ikkje berre starten på

innføring av kristenretten, det var og nedsetjinga av kva verdiar som gjaldt på den tida. Det markerte byringa på ei ny tid, med auka menneskelege omsyn og rettsvern for individet. Reglane omhandla ulike aspekt ved kyrkjehald. Dei sa at barn skulle døypast, ekteskap skulle vere monogame, gravferd skulle skje i vigsla jord og det blei innført høgtidsdagar og søndagen skulle haldast heilag. Tenk på det, at søndagen har overlevd i tusen år som ein ansleisdag. Ein kviledag som skal haldast heilag. Håpar verkeleg at det vil vare i 1000 år til!

Overskrifta på jubileet på Moster i juni var «å feire fortid, forme framtid». Jubileet var eit fint høve til å reflektere over det viktige som skjedde for tusen år sidan. Samtidig blei vi utfordra på å sjå framover. Kva verdiar skal vi byggje samfunnet vårt på i framtida?

Eg tenkjer at menneskelege omsyn, menneskeverdet og svake grupper sine rettar er viktige verdiar å kjempe for også i dag. Menneskeverdet blir stadig sett på prøve, både ved livets start og ved livets slutt. Likeverd og fellesskap er viktige verdiar å hegne om i eit samfunn der utanforskap og aukande ungdomskriminalitet er ei stor samfunnsutfordring.

I ei uroleg verd med aukande utrygghet, er det ekstra viktig



Statsråd Kjersti Toppe var tekstlesar ved den store jubileumsgudstenesta for Hamre som kyrkjestad i 1000 år. Ved altaret: prost i Åsane, Leif Endre Grutle.

	EL.INSTALLASJON - INGENIØRTENESTER - SERVICE	
	Torvhusmyrane 6 Nordhordland Næringspark 5913 Eikangervåg	
Tlf: 56 34 24 30 E-post: post@helland-elektro.no www.helland-elektro.no Foretaksregisteret: NO 986 751 718 MVA		

å vite kor vi kjem frå, og reflektere over kva verdiar som bør forme vårt samfunn. Kva kan vi lære av dei som har levd før oss, og det dei gjorde av djerve grep for å sikre eit samfunn med sterke fellesskap, med demokrati og rettstryggleik for individet. Spesielt må vi lytte til kva verdiar ungdommen i dag meiner er viktige i vårt moderne samfunn med meir mangfald.

I 2024 og i åra framover vil det vere fleire jubileum som markerer Noregs historie og kultur. Før jubileumshelga på Moster i juni, var det jubileum for kyrkjestaden på Hamre. Hamre blei for 1000 år sidan utpeika av kongen

til å vere kyrkjestaden for området frå Fanafjorden og til Sognefjorden. Ikkje så vanskeleg å forstå, vil dei sjølv sagt seie på Osterøy. I slutten av august er det jubileumsfeiring for Gulatinget i høve Nasjonaljubileet Norge i tusen år og Landslovjubileet 750 år.

For oss som likar 1000-års feiringar med historisk sus, kan vi no gle oss til 2030. Då er året kome for det store Nasjonaljubileet. Då er det 1000 år sidan slaget på Stiklestad - nok ei viktig og symbolsterk hending for riksdanninga og kristninga av heile Noreg.

Hamre – 1000 år som kyrkjestad

Tekst og foto: Øystein Skauge

Det gjev grunn til djup ettertanke at vi dette året kan kjenne at våre historiske røtter i bygdene i Nordhordland og Alver har funne næring i kristen og kyrkjeleg jord så lenge. Jubileumsåret 2024 har hatt mykje fokus på Kristenretten på Moster frå 1024, og på Magnus Lagabøte si landslov frå 1274.

Men feiringa av Hamre som kyrkjestad gjennom 1000 år har også ein stor plass mellom oss frå Nordhordland.

Hamre kyrkje, slik den står i dag, er frå 1622. Men lenge før stod det kyrkje der i bygda.

Kristoffer Foldøy har skrivne ein nettartikkel (<https://hamre1000.no/historie>) om historia for kyrkjestaden Hamre. I artikkelen tek han oss med tilbake til året 1024 då kong Olav Haraldsson (Olav den heilage) «-bestemte at Hamre skulle vera kyrkjestad for hovudkyrkja i Nordhordland. For han hadde segla forbi og sett den gamle møteplassen i fjordsystemet, som var samlingspunkt også lenge før den første kyrkja vart reist. For alt vi veit la han til land her også.

Ferda hans vidare gjekk gjennom Hagelsundet nordover langs hovudleia»

Den første kyrkja var ei enkel

stavkyrkje. Seinare, på 1100-talet, kom ei større stavkyrkje som stod der til den noverande kyrkja stod ferdig i 1622.


Alle som går inn i kyrkja i dag, ser at dette er eit historisk smykke, nesten utan sidestykke på våre kantar.

I det store jubileumsåret 2024 var det difor med god grunn at 1000-årsfeiringa av Hamre som kyrkjestad vart markert dagane 23. - 26. mai i år.

Jubileumsgudstenesta var ved biskop Ragnhild Jebsen, saman med prosten i Åsane og lokale prestar frå Osterøy. Regjeringa var representert ved trus- og livssynsminister Kjersti Toppe frå Åsane.

Til jubileet var det mange som kom til Hamre sjøvegen. Nokre med veteranbåtar frå Bergen.

Andre, frå nordsida av fjorden, kom til jubileet på gamlemåten, med robåt. Fleire karar rodde frå Knarvik til Hamre denne vakre søndagen. Slik vart det markert at Hamre kyrkje i mange år var den reelle hovudkyrkja



Hamre kyrkje - eit historisk smykke.

for Nordhordland. I nyare tid låg Hamre, og dei andre sokna på Osterøy, under Nordhordland prosti. Men frå 1.mars 2014 vart Hamre og resten av Osterøy flytta til det som den gongen heitte Arna og Åsane prosti. I dag heiter det Åsane prosti.



NAMN: TONE MARIT ØVRETVEIT DYRKOLBOTN

ALDER: 33

SIVILSTAND: Gift med Anna

BARN: Johan (snart 2), ei jente på veg

JOB: Spesialprest for barn og unge i Knarvik sokn

– KOM INN!: Flott velkomst då Kyrkjekontaktens utsende banka på hos Tone Marit. Johan (snart 2) har fri frå barnehagen denne dagen.

– Velkommen til småbarnskaos

Tekst og foto: Håkon Glatved-Prahl

– Berre stig på. Her er litt kaos, men eg trur det skal gå bra, seier ei smilande Tone Marit når ho opnar døra – med vesle Johan på armen.

Tone Marit Øvretveit Dyrkolbotn er neste person ut i serien Presten På Privaten. Saman med ektefelle Anna Øvretveit Dyrkolbotn – og deira sjarmtroll Johan på snart to år – bur ho i eit av dei første husa som vart bygd i Knarvik, med ei praktfull utsikt over bygdebyen og fjorden.

– Rett på sak: Kva driv du helst med på privaten?

– Eg trur samlebegrepet «putla på» er dekkande for mykje av det eg likar å halde på med – både ute og inne. For eksempel er det kjekt å rydde i skogkrattet utanfor huset, i garasjen og andre plassar, gjerne med ei god lydbok på øyret.

– Og då høyrer du helst på?

– Litt forskjellig. Nett no er det Sidsel Wolds «Landet som lovet alt», før det var det Frode Grytten si bok «Den dagen

Nils Vik døde». Det er avslappende og effektivt å gjøre flere ting samtidig.

God på planlegging

– Du likar å ha struktur på kvardagen?

– Ja, eg synest det er viktig og kjekt å lage gode planar og halde på med ulike prosjekt. Vi likar å halda på med ting, vera i aktivitet. Eg er nok litt utålmodig av meg, men vi er gode på samarbeid og utfyller kvarandre godt, Anna og eg, og så er me glade i kalenderar, smiler ho.

– Er du så strukturert at de handlar inn matvarer for ei veke om gongen også?

– Ja, det prøver vi faktisk på. Det skilir litt ut no og då sjølvst, men ved hjelp av appen «Sulten» er det både enkelt og smart å foreta planlagte innkjøp – så vi får det til innimellom.

– Kva gjer du når du skal kople heilt av?

– Eg verdset høgt å vere ilag med familie og vener, ta ein kopp kaffe og la praten gå. Både Anna og eg likar å invitere folk heim til oss, nettopp for å dyrke denne forma for avkopling.

Spelar poker kvar månad

Og så avslører Tone Marit at ho spelar poker!

– Vi er ein veninnegjeng heilt tilbake frå vidaregåande som samlast til pokerkveld heime hjå kvarandre ein gong i månaden. Det har vi gjort i mange år. Men la det vere sagt med ein gong: Vi spelar ikkje om pengar, kun med sjetongar! Den som vinn, får ein liten premie av den som er vertinna den aktuelle kvelden.

– Kvifor poker av alle ting?

– Det vart berre slik den gongen, kanskje var det konkurransen og spenninga – og at det var litt artig? Men hadde nokon sett oss spele, ville dei nok sagt at seansen inneheld mest prating. Nesten alle har mindreårige barn, så samtaleemnet seier seg sjølv, seier ein lattermild Tone Marit.

Namnet på pokerlauget er forresten Bergen og Nordhordland Pokerlaug, sidan nokre bur i Bergen og tre her i Nordhordland.

Politikaren Tone Marit

– Andre ting som opptar deg på fritida?



FLOTT UTSIKT: Frå eit av dei store vindauga i stova kan Tone Marit nyte den storslåtte utsikta over deler av Knarvik og fjorden.

– Egerinnvald i kommunestyret for Ap og sit i levekårsutvalet. Det er skikkeleg kjekt å lære meir om kommunen på den måten og forhåpentleg få vere med å forme litt av framtida. Nett no er det store saker på dagsorden, med mellom anna barnehage- og skulebruksplan. Store og viktige saker som eg handsamar med stor respekt.

– Kor mykje tid tek politikken?

– Eg har rekna litt på det. Tidsmessig blir det i snitt som å gå på fotballtrening ein gong i veka. Møta i kommunestyret og levekårsutvalet er på dagtid, men både prosten og Bjørgvin bispedøme har lagt til rette for at det ikkje kolliderer med jobben min. Dei synest det er bra at eg engasjerer meg i lokalpolitikken.

På fritida elles er hytta i Dyrkolbotn brukt hyppig av familien – når tid og anledning byr seg.

– Blåbærseongen rundt hytta har vore veldig god i år, så det har vi nytta oss godt av.

Familieauke i desember

Foreldra til Anna bur vegg i vegg i same bygget som den vesle familien i Kvernhusaugane, Tone Marit si bestemor i leilighet i kjellaren, og Tone Marit sine foreldre og brør bur i Austrheim. Nærleiken til familien er til stor glede for den vesle familien på tre – som snart skal bli til fire. Anna skal nemleg føde deira andre barn i desember.

– Vi gler oss stort. Og Johan gler seg til å bli storbror!

Torsvik Elektro AS er total-leverandør av elektroinstallasjoner i Alver

Vi utfører:

- Bolig og industri • Alarm
- Billadere • Adgangskontroll
- Tele/data-nettverk • Automatisering • Godkjent for kontroll av el. anlegg

Torsvik Elektro AS / Lager: Olsvollstranda
Tlf: 56 38 50 00 / www.torsvik.no / post@torsvik.no
KVALITETSBEVISST – LØSNINGSORIENTERT – SAMARBEIDSVILLIG

Bygg Team
VEST AS

Alt innan tømmerfaget!

Foreininga Fjon fjellkyrkje og ungdomssenter

Tekst og foto: Torbjørn Sæle

Tysdag 28. mai 2024 vart foreininga Fjon fjellkyrkje og ungdomssenter skipa med utsendingar frå alle kyrkjesokna i Nordhordland til stades i fjellkyrkja i Masfjorden. I praksis held drifta fram som før, og nye og gamle brukarar vert oppmoda til å nytta og støtta fjellkyrkja.

Masfjorden sokn er framleis eigar av fjellkyrkja, medan drifta vert leia av foreininga sitt styre med Anne Kristin Rafoss som vald leiar. Fjellkyrkja har ingen tilsette og vert drifta på dugnad. Foreininga søker registrering i Brønnøysundregistra for å få eige organisasjonsnummer. Styret har i fleire år leia arbeidet fram mot skipinga av foreininga, og eit godt og grundig arbeid leia an av Knut Fredrik Sørheim, har no resultert i organisasjonsforma foreining.

Fjellkyrkja har sidan vigslinga i 1987 vore nytta til gudstenester, leirar og andre samlingar som stabsturar, sommaravslutningar, styremøte, konfirmasjonsfestar, bursdagar, jubileum og filminnspeling m.m. Den siste tida har også fleire oppdaga Fjon som ein god plass å samla storfamilien eller nokre venefamiliar i lag. For bruk i helgene kan det vera lurt å bestilla i god tid.

Du kan vera med å støtta Fjon fjellkyrkje og ungdomssenter ved å

- bruka fjellkyrkja
- tipsa andre om å bruka fjellkyrkja
- delta på dugnad, olsokfeiring og andre arrangement
- be for arbeidet, staden og styret
- ha ei innsamling, gje ei gåve, Grasrotandel eller verta fast gjevar

Kontonummeret til Fjon fjellkyrkje er 3635.50.14732.

Oppussing av dusjar

I juni 2024 vert det starta med ei etterlengta oppgradering av dusj- og garderobeanlegga i kjellaren med mål om å få



på plass nye, separate dusjrom. Dette er kostbart arbeid i fleire byggjetrinn og fjellkyrkja er svært takksam alle gåver frå kyrkjelyder, enkeltpersonar, lag og næringsliv.

Dugnad

Det er stadig behov for dugnad, vask, maling og vedlikehald, både ute inne. Nokre dagar/helger samlast fleire for større dugnadsarbeid. Ta kontakt med Arve Husa, mobil 48 09 57 30 om du kan ha høve til å ta i eit tak.

Informasjon og vedtekter

Meir om fjellkyrkja, bookingkalender m.m. finn de på nettsida www.fjonfjellkyrkje.no

Følg gjerne også «Fjon fjellkyrkje» på Facebook.



KULTURKALENDER

24. september

Knarvik kyrkje kl. 19.30

Salmekveld med Alversund kammerkor.

30. september

Knarvik kyrkje kl. 18

Markusevangeliet minutt for minutt.

1. oktober

Tysdagstreff, Sæbø kyrkje kl 19:00

Magnar Kartveit: Gud, pest og plage
Om dei vanskelege Bibeltekstane som kolliderer med synet på ein nådig og kjærleg Gud. Magnar Kartveit er professor i Det gamle testamentet.

3. oktober

Lindås kyrkje kl. 19.00

“Saman i songen”. Songkveld - allsong, intervju, tema, solistar. Arr: Lindås sokneråd

5. oktober

Kyrkjekjellaren i Knarvik kyrkje kl. 19.30

Konsert med Vibeke B. Midttun, Ove I. B. Danielsen, Sølvi Hopland, Stine Karin Sæle m.fl. Arr.: Plateselskapet Gilead. Gratis inngang. Kollekt.

20. oktober

Knarvik kyrkje kl. 18

Jubileumskonsert Knarvik Gospel.

23. oktober

Lindås kyrkje kl. 19.00

Salmekveld. Lindås pensjonistlag og soknepresten

27. oktober

Festgudsteneste, Manger kyrkje kl 12

Fylkesordfører Jon Askeland i samtale om 1000-års-jubiléet for Kristenretten og 750-års-jubiléet for Magnus Lagabøtes landslov.

2. november

Knarvik kyrkje kl. 11-16

NMS misjonsmesse. Kl. 11: Misjonsmøte. Kl. 12: Salsmesse med flotte handarbeid og mat. Kafé, lotteri og barneaktivitetar.

30. november

Knarvik kyrkje 10 år - jubileumslaurdag

Kl. 12-13: Seminar med kunsthistorikar Gunnar Danbolt: Altertavla i Knarvik kyrkje. Kl. 13-15: Basar, kafé, barnekor m.m.

1. desember

Knarvik kyrkje kl. 11

Jubileumsgudsteneste med bursdagsbesøk og kyrkjekaffi.

Neste nummer kjem frå trykkeriet 27. november. Frist for å melde frå om arrangement til kulturkalenderen er 23. oktober.

Ledertur til London

Tekst og foto: Cathrine Grutle

De ulike soknene i Alver har dette året samarbeidet om å lage et lederkurs for fjorårskonfirmantene våre. Det har vært en spennende prosess med mange deltakere.

Det var ikke alle som kunne være med på studietur til London, men i midten av juni reiste fire ferdig utdannede ungdomsledere fra Lindås og Knarvik på tur. Gjennom året som har gått har de hatt undervisningssamlinger flere steder i prostiet, deltatt som ledere på Lys Våken og Tårnagent og samlet inn penger for å reise på studietur. De har fått øve seg som ledere på mange ulike arenaer.

I forkant av reisen ble det lagt opp til et stramt program med mange poster. Vi startet med The Royal Walk som førte oss forbi mange kjente og noen litt ukjente landemerker. Her fikk vi et godt innblikk i engelsk historie.

På ettermiddagen reiste vi til Holy Trinity Brompton for å være med på gudstjeneste der. Denne kirken er en del av den karismatiske fløyen i Church of England. Det var mange som ønsket oss velkommen da vi kom og hjalp oss å finne frem i kirken. Gudstjenesten var preget av mye lovsang, band og sangtekster på skjerm, en god preken og forbønn. Jentene var enige om at denne gudstjenesten var veldig forskjellig fra gudstjenesten her hjemme, men den var slett ikke verst.

Dagen etterpå startet vi på Madame Tussauds museum og vi gikk rundt sammen med stjernene som var samlet der. Denne dagens gudstjeneste var i St. Pauls Cathedral.



De som var med på turen var Maria, Alida, Alexandra og Isabella. Voksenledere var Solveig Westermoen og Cathrine Grutle.

Vi deltok på choral Evensong, med klassisk kirkekor, tekstlesninger og orgelbrus. Denne falt i smak hos alle jentene.

Vi avsluttet dagen med musikalen Les Miserables. En intens fortelling om kjærlighet, menneskeverd, synd, skyld og nåde. Skjebnene til Fontine, Valjean, Javert, Cosette, Eponine, Marius med flere, gjorde inntrykk på oss som satt i salen.

Den siste dagen reiste vi på besøk til Sjømannskirka i London og møtte prest og daglig leder Dag Magnus Hopstock Havgar. Han fortalte om sjømannskirkas opprinnelse, hvordan de jobber konkret i London og viste oss rundt i bygget.


Innimellom alle disse postene var det gode måltider med fine samtaler, kafebesøk, sightseeing og litt shopping. Disse lederne er bra folk som har gjort en god innsats gjennom året i menighetene våre og det var et privilegium å få være med dem på studietur.



Barnas



Fargelegg!



Slik såg Johannes for seg den nye himmel og den nye jord.


Teikning: Kari Sortland

Vitsar

– Kelner!
Fluga i suppa mobbar meg!
– Ja. Det er ei ertesuppe.

– Hunden min har lært seg å snakke!
Det er heilt sant!
– Eg veit det. Bikkja mi fortalde det i går.

Prikk til prikk



Teikn ein strek frå 1 til 2 og så vidare. Kva skjuler seg her?

Gje barnebladet Barnas til eit barn du er glad i!

Desse oppgåvene er henta frå bladet.

Bestill abonnement på sondagsskolen.no eller 22 08 71 00

Finn fem feil

Dei to bileta er nesten like. Finn du dei fem feila i biletet under?



Teikning: Alessandro Coppola og Salvatore Callerami

Glimt sidan sist



SingSingeling og SingOut avslutta vårsemesteret med flott sommarkonsert. Foto: S. Bjørndal.



Gudstenesta som var planlagt på Håkonshaugen i juni måtte flytte inn i Seim kyrkje grunna dårleg vêrmelding. Seim Musikklag fann plass på galleriet. Foto: Bjørn Furukawa.

Internasjonal festkveld i Knarvik kyrkje 14. juni



Vakker song frå Ukraina. Foto: Arthur Kleiveland

... og for 10 år sidan



30. november 2014: Knarvik kyrkje er vigsla av fungerande biskop Jan Otto Myrseth. Kamilla Kjemphol leiar utgangsprosjonen. Foto: Magni Håland Dyrøy.



Med mat frå ni ulike land var det mykje godt og spennande å smake på. Foto: Arthur Kleiveland



Grilling av pølser og marinert kyllingfilet. Det er mange munnar som skal mettast. Foto: Arthur Kleiveland

Slekters gang

Knarvik

Døypte

12.05.24 Lilly Vågenes
12.05.24 Vilde Andreasdóttir
19.05.24 Vårin Husebø Lodden
19.05.24 Lukas Eide Bratholmen
02.06.24 Felix Kålås Farsund
16.06.24 Marcelina Johansen
16.06.24 Odin Vigesdal
16.06.24 Ellinor Alver
16.06.24 Odin Haukås Antoniazzi
23.06.24 Madelen Øksnes Gundersen
04.08.24 Herman Antonsen
04.08.24 Andreas Martin Hordvik Indreeide

Døde

21.04.24 Anne Karin Ingebrigtsen f. 1955
15.05.24 Anne-Karin Hageberg f. 1937
26.05.24 Jorunn Ekkeren f. 1941
27.05.24 Kjell Johannessen f. 1935
12.06.24 Sigrid Alida Furebotn f. 1931
13.06.24 Marit Helene Myklebust f. 1934
14.06.24 Lars Hjelmås f. 1943
24.06.24 Oddvar Bjørge f. 1936
07.08.24 Ørjan Brendehaug f. 1972

Alversund

Døypte

30.06.24 Nicholas Bruvik Aas

Døde

11.05.24 Eivind Vaage f. 1933
03.07.24 Terje Bergfjord f. 1941
07.07.24 Karin Louise Legernes f. 1931

Seim

Døypte

09.06.24 Eira Mari Valle
11.08.24 Wilma Eleonora Idrisa Skår Jakobsen

Døde

31.05.24 Egil Hopland f. 1959
02.07.24 Ruth Anna Fjellanger f. 1938

Felles VIPPS-nummer for Knarvik sokn

Frå august 2024 har vi eitt felles VIPPS-nummer for Knarvik sokn: 56789.

Når du skal betale, får du opp ein meny der du kan velje m.a. «Takkoffer», «Gåve», «Kontingent Knøttekor», «Kyrkjekontakten».

Eller du kan scanne ein QR-kode frå gudstenesteprogram eller oppslag.

Skattefrådrag

Dei som ønskjer det, kan få skattefrådrag for gåver gitt med VIPPS. Dette gjeld takkoffer på gudstenester, også til eksterne formål, og andre gåver til kyrkja.

Første gang du gir, må skattefrådrag aktiverast i VIPPS.

Ein må gje minst kr. 500 i løpet av eitt år for å få skattefrådrag. Grensa for skattefrådrag i 2024 er kr. 25.000.

Støtt oss

På heimesida kyrkja.no/knarvik finn du informasjon om korleis du kan støtte arbeidet i kyrkjene våre. Du kan gje eit fast beløp i månaden eller du kan gje ei enkeltgåve.

NMS misjonsmesse

Tekst: Eli Eidsnes

Laurdag 2. november er det tradisjonen tru misjonsmesse til inntekt for Det Norske Misjonsselskap (NMS), i Knarvik kyrkje.

Dagen startar kl. 11:00 med misjonsmøte med tale av Bjarne B.L. Andersen, song av barnekor og misjonsinformasjon.

Kl. 12:00 opnar dørene til kjellaren, og der finn ein salsboder med heimelaga mat og mange flotte handarbeidsprodukt. Så her kan du nok finna mange flotte julegaver!

I kjellaren er det og open kafé og det blir som vanleg to rundar med åresal. I tillegg vert det aktivitetar for barn oppe og eit eige «godterilotteri» for borna i kjellaren.

Dagen vert avslutta med kunnngjering av vinnarane på hovudlotteriet. Så kjøp gjerne lodd på bøkene som vert seld på førehand.

Håpar mange vil ta turen innom den populære messa også i år. Velkommen.

Seimstrand as
5912 SEIM - tlf. 56 35 79 00 - fax 56 35 79 15


Nordhordland Elektro

Lindåsvegen 153, 5914 Isdalstø
Tlf.: 56 35 73 80 | post@nordhordland-elektro.no

elektrikerkjeden
norgeseliten

DEKKHUSET AS


Tankestrek

Eit hus av levande steinar

Av Magne Bjørndal

I 2024 feirar vi at Knarvik kyrkje er ti år. Det var – og er kanskje framleis – ein viss skepsis til dette bygget, ikkje minst fordi det kan forsterka tendensen til at tilboda vert samla i sentrum, medan distrikta vert tappa. Ei slik uro er forståeleg: Når mange kyrkjebygg er prega av liten aktivitet og mangelfullt vedlikehald, kan det opplevast urimeleg å bruka mange millionar på eit flunkande nytt bygg i Knarvik.

Vi som ferdast i Knarvik kyrkje til dagleg, merkar likevel korleis livet i kyrkjelyden har vorte vitalisert, med folk i alle aldrar som feirar gudsteneste, får konfirmantundervisning, er på babysong og korøving, har det kjekt på fredagsklubb ... Her feirar brudepar kjærleiken, og sørgjande tek det siste farvel med sine kjære. Bygget har òg rom som kan leigast til konsert, sekstiårslag eller årsmøte i sameiget.

Gode lokalitetar er eit stort pluss, og det er viktig å ta vare på heile den bygningsmassen som Den norske kyrkja rår over. Likevel er det ikkje bygningane – gamle eller nye – som først og fremst kjenneteiknar kyrkja. Det er først og sist menneske som utgjer kyrkja. Kyrkja er alle som ved dåp og tru er knytte til Kristus, og til kvarandre.

I Det nye testamentet seier Paulus: «Veit de ikkje at de er Guds tempel, og at Guds Ande bur i dykk?» (1 Kor 3,16)

Så feirar vi ti år med Knarvik kyrkje, og alt den rommar. Så langt midlane rekk tek vi vare på den, og på dei andre bygningane. Men framfor alt tek vi vare på kvarandre, lærer stadig meir om innhaldet i trua, gjev kvarandre rom til å be og arbeida, til å gle oss med dei glade, og gråta med dei som sørgjer.



Bente Cathrine Sørheim Vetvik
Vikar for kyrkjelydspedagog
bv648@kyrkja.no



Cathrine Grutle
Sokneprest
cg836@kirken.no



Tone Marit Øvretveit Dyrkolbotn
Spesialprest
td663@kyrkja.no



Odd Leif Mjøs
Kantor
om623@kyrkja.no



Nina Jenny Tresvik Monstad
Kateket
nm853@kyrkja.no



DEN NORSKE KYRKJA

Kyrkjekontakten: Knarvik kyrkjekontor

Lonsvegen 100, 5914 Isdalstø

Opningstid:
Tysdag-fredag kl. 9.00-15.00

Tlf.: 400 01 691

alle kvardagar kl. 10.00-14.00.

Postboks 228, 5903 Isdalstø
post.knarvik@kyrkja.no

www.kyrkja.no/knarvik

Facebooksider:

Knarvik kyrkje
Seim kyrkje
Lygra kyrkje

Kontonummer: 3633 67 39882

Vipps: Nytt VIPPS-nummer:
56789 vel «Kyrkjekontakten» i
menyen.



Alver kyrkjelege fellestråd

Lonsvegen 1, 5914 Isdalstø

post.alver@kyrkja.no
www.kyrkja.no/alver

Kyrkjeverje: John Fredrik Wallace
jw734@kyrkja.no

Leiar i fellestrådet: Sølvi Knudsen

Soknerådsleiar:
Hildur Løkken Lillestøl

Kyrkjekontakten

Utgjevar: Knarvik sokn, i
samarbeid med Meland sokn,
Osterfjorden sokn, Mo sokn,
Radøy sokn og Lindås sokn.

Redaktør: Øystein Skauge

Lokal redaksjon: Arthur
Kleiveland, Håkon Glatved-Prahl,
Synnøve Bjørndal

Grafisk design: Simen Søvik
Trykk: Aksell

Framsidedeilete: Knarvik kyrkje
2013 og 2014. Foto: Øystein Wiik.



Helge Taranrød
Prost
ht759@kirken.no



John Fredrik Wallace
Kyrkjeverje
jw734@kyrkja.no



Magne Bjørndal
Seniorprest
mb578@kyrkja.no



Synnøve Bjørndal
Dagleg leiar
sb876@kyrkja.no



Eirun Bjotveit Fonneland
Kyrkjelydspedagog
ef882@kyrkja.no



Bjørn Furukawa
Kyrkjetenar
bf982@kyrkja.no



GUDSTENESTEKALENDER

Knarvik

22. september

18. søndag i treeiningstida
Kl. 11 v/ Cathrine Grutle.
Dåp. Søndagsskole.
Konfirmantpresentasjon.

29. september

19. søndag i treeiningstida
Kl. 19 v/ Tone Marit
Øvretveit Dyrkolbotn og
Andreas Westermoen m/
band. Kveldsgudsteneste.
Nattverd.

6. oktober

20. søndag i treeiningstida
Kl. 11 v/ Cathrine Grutle. Dåp.
Nattverd.

13. oktober

21. søndag i treeiningstida
Kl. 11 v/ Cathrine Grutle.
Nattverd.

20. oktober

22. søndag i treeiningstida
Kl. 11 v/ Tone Marit
Øvretveit Dyrkolbotn
og Nina Jenny Monstad.
Familiegudsteneste. Dåp.
4-årsbok. Speidarane deltek.

27. oktober

Bots- og bededag
Kl. 19 v/ Tone Marit
Øvretveit Dyrkolbotn og
Andreas Westermoen m/
band. Kveldsgudsteneste.
Nattverd.

3. november

Helgemessesundag
Kl. 11 v/ Helge Taranrød. Dåp.
Nattverd. Søndagsskole.

10. november

25. søndag i treeiningstida
Kl. 11 v/ Tone Marit
Øvretveit Dyrkolbotn
og Nina Jenny Monstad.
Familiegudsteneste.
LysVaken.

17. november

26. søndag i treeiningstida
Kl. 11 v/ Cathrine Grutle. Dåp.
Nattverd. Søndagsskole.

24. november

Siste søndag i kyrkjeåret
Kl. 19 Kveldsgudsteneste.
Nattverd.

1. desember

1. søndag i adventstida
Kl. 11 v/ Helge Taranrød,
Cathrine Grutle m.fl.
JUBILEUMSGUDSTENESTE.
Nattverd.

8. desember

2. søndag i adventstida
Kl. 11 v/ Helge Taranrød.
Nattverd.

Alversund

29. september

19. søndag i treeiningstida
Kl. 11 v/ Magne Bjørndal. Dåp.

27. oktober

Bots- og bededag
Kl. 11 Dåp.

3. november

Helgemessesundag
Kl. 18 v/ Cathrine Grutle.
Minnegudsteneste.

24. november

Siste søndag i kyrkjeåret
Kl. 11 Dåp.

Lygra

1. desember

1. søndag i adventstida
Kl. 19 v/ Tone Marit Øvretveit
Dyrkolbotn. Lysmesse.
Lysmesse for konfirmantar i
Lygra og Seim.

KVARDAGSGUDSTENESTER i Alversund kyrkjelydshus:

Måndagar kl. 14. Kyrjekaffi.
Tur – «Kyrkjegang» kl. 12:30.

- 14. oktober v/Rune Minde
- 11. november v//Helge Hitland
- 9. desember v//Idar Simonsen